


# Tanesusu

O mea e ao ona e silafia




**O le siama o le varicella-zoster e mafua ai le tanesusu.**

**Auga:**


- Mageso e pei ua mafo'e le pa'u.
- Fiva.
- Tigā le ulu.
- Lelavā.
- Lē lagona se fiaai.



**E faigofie ona pipisi le tanesusu:**




- E ala i le ea.



- O luga o meafaitino.


**E mafai e tagata ona faapipisi atu le tanesusu i le 1-2 aso ao le i maua i le mageso se'iloga ua pa'upa'ua uma.**



**O le faia o lou tui puipui o le auala pito sili lea ona puipuia mai ai oe mai le tanesusu.**

**O tagata e le'i faia tui puipui e tataua ona:**

- Alofia tagata o maua i le tanesusu ma nofoaga o loo pepesi ai.
- Fufulu sosoo ou lima i se fasimoli ma se vai mafanafana.




**E mafai ona leaga tele le tanesusu mo i latou o:**



- Pepe.
- Tagata ma'itaga.
- Talavou.
- Nonofo ma se tagata e vaivai vaega o le tino e tetee atu i faama'i.
- Tagata matutua.

E mafai ona tupu ai siama o le faiai, niuonia, poo faaletonu i le taimi na fanau ai.


**Afai ae aafia nei tagata i le tanesusu, vili i le taimi lava lenā le fai auaunaga tausisoifua.**



**E lē i faia tui puipui ma ua aafia? la fai se tui puipui i totonu o le 3-5 aso ina ia taofia pe faaitiitia ai le ma'i.**

**Afai a e ma'i:**

- Malolo.
- Inu mea suavai.
- Togafitia le fiva ma tigā, e pei ona mana'omia. Aua le avea fualaau mea tigā o le aspirin i tamaiti.



### E fou le tui puipui o le tanesusu?

Leai. O tamaiti i le lunaite Setete na amata ona maua tui puipui o le tanesusu i le 1995. Talu mai lava lena taimi, ua faaititia ai ma'i o le tanesusu i le 97%. O le tele o atunuu latou te fautuaina le faia o tui puipui o le tanesusu mo tamaiti ona o le faia o le tui e sili atu ona saogalemu ani lo le maua o le faama'i.

### O a aafiaga o le tui puipui o le tanesusu?

O le aafiaga pito masani lava o le tiga o le vaega o le tino na tui, tiga, mumu, ma le fulafula. E masani lava ona fo'i i le lelei i ni nai aso.

### Aisea tatou te mana'omia ai le tui puipui o le tanesusu?

O le tele o tamaiti e maua i le tanesusu e toe manuia pe a mae'a ma'i feololo sa maua ai. Ae mafai ona tupu ma'i tigaina. E mafai e le tanesusu ona tupu ai aafiaga i le faiai, niu monia, faama'i i alatoto, ma faaletonu i le taimi na fanau ai.

Ae le'i maua tui puipui o le tanesusu, pe tusa ma le 4 miliona tagata i le lunaite Setete e maua i le tane susu i tausaga ta'itasi—e sili atu ma le 10,000 na o i le falema'i ma e sili atu ma le 100 e na maliliu.

### O ai e pito sili ona lamatia ola mo ma'i tigaina mai le tanesusu?

O ma'i tigaina mai le tanesusu e masani ona tele i tagata e leai se puipuiga (le'i faia se tui puipui ma e le'i maua lava i le faama'i), aemaise lava pepe, tupulaga talavou, tagata matutua, ma i latou o ma'itaga pe vaivai vaega o le tino o loo tetee atu i faama'i.

### O le a le taimi e tatau ai i tagata ona fai tuitui puipui o le tanesusu?

I Uosigitone, e mana'omia ona faia tui puipui o le tanesusu a tamaiti ae le'i ulufuale atu i a'oga poo a'oga amata. E fautuaina e le Centers for Disease Control and Prevention (CDC) tamaiti ia faia se tui o le tanesusu i le 12 masina le matua ma se tui lona lua i le 4-6 tausaga le matua.

O tagata 7 tausaga pe matutua atu e leai se puipuiga e mafai ona maua tuiga e 2 o le tui puipui.

O tagata e leai ni puipuiga ma ua aafia i le tanesusu e mafai ona maua le tui puipui i totonu o le 3-5 e taofia ai pe faaititia le ma'i.

O tagata fananau tua atu o le 1980 e iai le manatu ua puipuia ona sa ono maua i latou i le faama'i.

### E faapefea ona ou iloa poo ua faia tui puipui o le tanesusu a la'u tama?

Saili pepa tui a lau tama i le [myirmobile.com](https://myirmobile.com) pe faafesoota'i le fai auaunaga tausi soifua a lau tama.

### O fea e mafai ai e la'u tama ona maua le tui puipui o le tanesusu?

E mafai e lau tama ona mau tui puipui o le tanesusu i se ofisa tausi soifua maloloina poo se faletalavai.

### E iai se fualaau/vailaau mo le tanesusu?

O le tele o tagata e maua i le tanesusu e mana'omia lava na'o le togafitia o le fiva ma tiga. Aua le avea fualaau mea tigā o le aspirin i tamaiti.

O nisi tagata e maualuga le lamatia mo ma'i tigaina mai le tanesusu: pepe, talavou, tagata matutua, ma i latou o loo ma'itaga pe vaivai itutino e tetee atu ai i faama'i. Afai ae aafia nei tagata i le tanesusu, vili i le taimi lava lenā le fai auaunaga tausisoifua. E ono fai e le tausi soifua se talavai mo fualaau/vailaau e tapē ai le siama.